



Baibuli ey'Abaana
Ekuleeteire

Katonda nga
bweyatonda buli
kintu



Eyalughandiika ni: Edward Hughes

Eyakuba ebifaananie ebirimu ni:
Byron Unger; Lazarus

Eyalutuukania n'obweetaavu ni:
Bob Davies; Tammy S.

Eyalukyusa mu Lusoga ni: Daudi Waidhuuba


Lutuusibwa ku bantu: Bible for Children
www.M1914.org

©2012 Bible for Children, Inc.

Olukusa: Oli wa idembe okukoopolola oba okukubya mu kyapa
olufumo luno kasita oba nga toja kulutunda.




N'ani eyatutonda? Baibuli, e Kibono kya Katonda,
ekoba amainhama ag'omuntu. Eira einho, Katonda
yakola omuntu eyasookera irala era yaamutuuma
eriina Adamu.



Katonda yakola Adamu okuva mu nkungu y'okunsi.
Katonda bweyafuugha omuuka ogw'obulamu mu
Adamu, Adamu yaafuuka mulamu. Yeeyagaana nga
ali mu nimito eboneka obulungi einho
ng'eyetebwa Edeni.



Katonda bweyali nga akaali kutonda Adamu, yakola ensi eboneka obulungi einho nga eidhwire ebintu ebyewuunhisa.




Kirala ku kirala Katonda yatonda ebifo eby'ensozi
n'eby'omuseetwe, ebimuli ebiwunha akaghoogho,
n'emiti emireeyiriri, obunonhi obw'amooya agalangi
edhiboneka obulungi einho, n'endhuki edhivuuuma,
ageenhandha agakologho, n'amakovu agatyeerera.

Mu butuufu,

Katonda yakola buli kintu
ekiriwo-buli kintu.



Mu mainhama geene, nga Katonda akaali
kukola kintu kyonakyona, tighaali
kintu kyonakyona okutoolaku
Katonda. Tighaali bantu, oba
ebifo oba ebintu. Nga
ghazira naire. Nga
ghazira butangaavu
oba nzikiiza. Nga
ghazira oti ghano
ghaigulu oba oti ghano
ghansi. Nga ghazira oti
lwabaire lwa idho oba oti
lunaaba lwa nkyo. Ghaaliwo Katonda
yenka aziraku mainhama. Agho
Katonda yaakola kyeyakola!




Mu mainhama, Katonda
yatonda eigulu n'ensi.




Era ensi yali nga eziraku
bweyakula era nga
ndhereere. Era
enzikiiza yali
egemye ku
nhandha.


Agho
Katonda
yaayogera.




"Ka ghabeegho
obutangaavu."



Era ghabaagho obutangaavu. Katonda yaayeta obutangaavu omusana era enzikiiza yaagyeta obwiire. Era eigulo eryo n'enkyo eryaririra, n'olwali olunaku olwasooka.



Ku lunaku olw'okubiri, Katonda yaaleeta amaadhi ag'agayandha agakologho, n'amaadhi ag'ehandha, enene n'entono, ghalala ghansi gh'eigulu. Ku lunaku olw'okusatu, Katonda yaakoba ati, "Ka olukalu luboneke." Era kyaba kityo.




Era Katonda yaalagira eisubi, n'ebimuli, n'ebisaka,
n'emiti biboneke. Era byaboneka.

Era eigulo eryo n'enkyo
eryaririra, n'olwali
olunaku olwokusatu.



Agho Katonda yaakola endhuba,
n'omwezi ni munienie kamaala
einho edhizira n'aghanga
kudhibala. Era eigulo eryo
n'enkyo eryaririra, n'olwali
olunaku olw'okuna.




Ebitonde ebiramu
eby'omunhadha
n'ebyenhandha, n'enhonhi
n'ebyairaku ku lukalala
Iwa Katonda. Ku lunaku
olw'okutaanu yakola
ag'ehandha agakologho
ag'eminwa egiri ng'oti
mpiima, n'obw'ehandha
obutini, maaya edh'amagulu
amaleeyiriri n'obusense.



Katonda yakola buli nsambo
ya byanhandha okwidhuza
amaadhi ag'oku nsi era
ni buli nsambo ya
nhonhi edhinhumirwa
okutambulira ku bukalu,
n'edhinhumirwa enhandha
n'edhoku igulu. Era eigulo
eryo, n'enkyo eryaririra,
n'olwali olunaku
olwokutaanu.




Ebyo nga biweire, kabiri Katonda yaayogera.
Yaakoba ati, "Ka ensi eidheku ebiramu ebya buli
nsambo:..." Buli kika kya nsolo, n'eky'ebisiisa,
n'eky'ebyekulula byabaawo.



Ghaidhagho endhovu edhitengeesa ensi, n'obusolo obutono obwetebwa biiva obwetawula buli kiseera, enkembo edhikola buli kiseera ebitanhoonha ni ga goonya agaayobaayobana, Obugereegere obuja nga bwegoniolagoniola, obudaada obw'ekisundhe. Entwiga edhenda okuba mu bikuukuulu, ni kappa edhifuluuta nga dhimoga. Buli kika kya nsolo kyakolebwa Katonda ku lunaku olwo.



Era eigulo eryo, n'enkyo
eryairirira n'olwali olunaku
olw'omukaaga.



Katonda ali n'ekindi kyeyakola ku lunaku olw'omukaaga - ekintu eky'endhawulo einho kubindi. Buli kintu kyali nga olwo kiwoire era nga kiriwo

ku lw'omuntu. Nga ghaligho emere mu nnimiro, n'ensolo edhighanga okukola emirimo.

Agho Katonda yaakoba ati,

"Ka tukole omuntu mu kifaananie kyaife.


Afugenga ebintu

byonabyona

ebiri ku nsi."



KALE KATONDA YAAKOLA OMUNTU MU
KIFAANANIE KYE; MU KIFAANANIE KYA
KATONDA MWE YAMUKOLERA ...



Katonda yaayogera ni Adamu. Ati: "Mulye buli kyemwenda okuva mu nnimiro. Aye mutalya biva ku muti ogw'okumanha ekirungi n'ekibi. Bwemulirya ebiva ku muti ogwo bwenebwene muja kufa."



Era MUSENGWA Katonda yaakoba ati, "Ti kikalamu omuntu okuba yenka. Ndidha kumukolera omubeezi." Katonda yaaleeta enhonhi dhoonadhoona n'ensolo dhoonadhoona eri Adamu. Adamu yaabituuma amaina byonabyona.




Ateekwa okuba nga yali mugezi inho okusobola okukola ekyo! Aye mu nhonhi dhoonadhoona ni mu nsolo dhoonadhoona timwali mubeezi agwanira Adamu.



Katonda yaleetera Adamu endoolo enhingi einho einho. Yaatoola lulala ku mbiriizi edh'omusaadha eyali ali kutenduka, yaakola omukazi okuva mu lubiriizi lwa Adamu.

Omukazi Katonda ye yakola yaaba nga n'oyo mwenemwene eyali agwanira okuba omubeezi wa Adamu.



Katonda yakola ebintu byonabyona
mu nnaku mukaaga. Agho Katonda,
olunaku olw'omusanvu yaalugha
enkabi era yaalufuula
olw'okuwuumula.



Mu nnimiro eyetebwa Edeni, Adamu
ni Eva mukyala we, baali mu kusangaala
okutuukiriire nga bagondera Katonda.
Katonda nga ni Musengwa waibwe,
omugabirizi waibwe era
mukagwa waibwe.



Katonda nga bweyatonda buli kintu

Olufumo oluva mu Baibuli,
e Kibono kya Katonda,

Lwagaanibwa mu

Amainhama 1-2

“Okwinhongola omuntu ekibono kyo
kimuleetera Obutangaavu.” Zabbuli 119:130



Ghano ghe
lukanga



Olufumo olwomu Baibuli luno lutukobera ku Katonda waife omulungi owekitalo eyatukola era ayenda iwe omumanhe.

Katonda aidhi nga tukola ebintu ebibi, Byayeta ekibi. Ekibonerezo olw'okukola ebibi kufa, aye olw'okuba Katonda akugonza inho yasindika Yesu, mutabane omulala ati be dengedenge, okufiira ku musalaba abonerezebwe olwebibi byo. Kabiri Yesu oyo yairamu okuba omulamu era yairayo ekaawe mu igulu! Bwoikiriza mu Yesu oyo era noomusaba akusonighe ebibi byo, akikola! Agho aja kwidha abenga mu iwe, era oidha kubanga mulamu mu ye ebyanda n'ebyanda.

Bwoba ng'oikiriza nga ago n'amazima, koba Katonda oti: Yesu Ow'ekitiisa, Ndhikiriza nga oli Katonda, era nga wafuuka omuntu okufiiririra ebibi byange, era nga buti kabiri oli mulamu. Nkusaba oidhe mu bulamu bwange, onsonighe ebibi byange, mpange okufuna obulamu obuyaaka buti, era olunaku lulala lutuuke ndidhe mbenga niwe ebyanda n'ebyanda. Nhamba okukugonderanga, era mbenga omulamu kulwa iwe ng'omwanawo. Amiina.

Somanga e Baibuli era oyogerenga ni Katonda buliidho!
Yoanne 3:16

